



UiTM NEWS HUB

Hab Berita Rasmi UiTM

[Home](#) / [2025](#) / [November](#) /

UiTM Pahang Didik Remaja Madani: Program Bijak Cinta, Sihat Jiwa Perkukuh Kesedaran Kesihatan Seksual

SDG

17/11/2025 / MARDHIAH ISMAIL

Bengkel
REMAJA
ماداني
MADANI

Bijak Cinta, Sihat Jiwa

8 OKTOBER 2025 (RABU)
8.00 pagi – 1.00 tengahari
MASJID UVAIS AL-QARNI

Anjuran
UNIT HAL EHWAL ISLAM
Dengan Kerjasama
PUSAT PENGAJIAN SAINS (PPS)
UiTM CAWANGAN PAHANG

Slot 1
Kesihatan Seksual & Reproktif

Dr. Bisha Fathamah bt Uzir
Pengerusi Malaysia Against Pornography (MAP) Malaysia

Slot 2
Bahaya Pornografi & Bijak Dunia Siber

Dr. Muhamad Ashraf bin Rostam
UIAM Kampus Kuantan

UiTM *di hatiku* اوسها تقوى موليا

JENGA,4 November 2025 – Universiti Teknologi MARA (UiTM) Cawangan Pahang melalui Unit Hal Ehwal Islam (UHEI), Pusat Pengajian Sains (PPS), dengan kerjasama Malaysians Against

Pornography (MAP), telah menganjurkan **Program Remaja Madani: Bijak Cinta, Sihat Jiwa** bertempat di Masjid Uwais Al-Qarni pada **8 Oktober 2025**. Program ini bertujuan meningkatkan kesedaran mengenai kepentingan kesihatan seksual dan reproduktif serta mendidik remaja tentang bahaya pornografi dan pengurusan emosi berlandaskan nilai Islam.

Seramai 100 pelajar daripada Pusat Pengajian Sains telah menyertai program ini yang menekankan pendidikan seimbang antara ilmu dan iman. Penganjuran ini juga merupakan usaha menangani kebimbangan masyarakat terhadap peningkatan ketagihan pornografi dan hubungan seksual berisiko dalam kalangan pelajar institusi pengajian tinggi. Remaja dididik memahami konsep cinta dalam perspektif Islam – cinta yang menjaga maruah dan mendidik jiwa, bukan yang membawa kepada kerosakan diri.



Program ini menampilkan dua penceramah jemputan iaitu **Dr. Bisha Fathamah Uzir**, Pengerusi MAP, dan **Dr. Muhamad Ashraf Rostam**, pensyarah kanan Kulliyah Sains Kesihatan Bersekutu, IIUM Kuantan yang juga alumni UiTM. Slot pertama bertajuk “*Kesihatan Seksual dan Reproktif*” diikuti slot kedua “*Bahaya Pornografi & Bijak Dunia Siber*”. Kedua-dua sesi disampaikan secara interaktif dengan fokus kepada pendidikan seksual beretika, keselamatan siber, dan pengurusan emosi.

Program ini turut memberi ruang kepada peserta untuk bertanya dan berkongsi pandangan mengenai cabaran semasa remaja. Penganjuran ini selaras dengan komitmen UiTM Pahang menyokong Matlamat Pembangunan Lestari (SDG 3 – Kesihatan dan Kesejahteraan, SDG 4 – Pendidikan Berkualiti) serta mendukung aspirasi UiTM Prihatin dan Malaysia MADANI dalam membentuk generasi muda yang seimbang dari segi intelek, emosi dan spiritual.

Disediakan oleh : Dr. Mardhiah Ismail

Disunting oleh : Dr Zati Ismah Ishak



Tags: [Malaysians Against Pornography \(MAP\)](#), [UiTM Cawangan Pahang](#), [Unit Hal Ehwal Islam \(UHEI\)](#), [Universiti Teknologi MARA \(UiTM\)](#)

UiTM Perkukuh Jaringan Akademik
Antarabangsa Melalui International
Mathematics Expedition (IME) 2025

Majlis Pembentangan Akhir Anugerah
Kualiti Naib Canselor (AKNC) 2025

QUICK
LINKS

Ministry of Higher Education
Academic Calendar
Intake Calendar
Graduate Quick Search

HUBUNGI
KAMI

Universiti Teknologi MARA
(UiTM)
40450 Shah Alam, Selangor
Darul Ehsan
Malaysia



Library

UiTM Holdings

WiFi UiTM

E-Complaint

Tel: +603-5544 2051 / 2000

Copyright © 2026 UiTM NewsHub | Theme by: Theme Horse | Proudly Powered by: WordPress